

LENGO REGIOUNALO DE FRANÇO

L'Assemblado Nacionalo vòu faire marca dins la Coustitucioun que li lengo regiounalo apartènon au patrimòni de la Franço...

Pajo 2



Prouvènço aro

Tóuti li mes, lou journau de la Prouvènço d'aro

Jun 2008

n° 234

2,10 €

Sant-Chamas

**Sant-Chamas festejo
soun pintre bèn ama,
Reinié Seyssaud**

L'espousicioun Reinié Seyssaud -Nature et Volupté-, se tendra à la Capello Sant-Pèire de Sant-Chamas dóu 7 de jun au 29 de juliet 2008.

Aquesto capello, situado dins l'ancian cèntré dóu vilage fuguè bastido en 1668. Liò de culte pèr li pescaire que soun sant patron es Sant Pèire, se trobo en ribo de la Mar de Berro.

Soun porge e soun clouchié fuguèron remés en estat. Es devengudo en 2006, après de nombrous mes de restauracioun, un liò de culturo. Souto la beilié de l'Oufice de Tourisme e de soun presidènt, Gerard Mélanie, aquest endré assousto mai d'uno manifestacioun artistico, toujours virado devers lou patrimòni nostre: counours de crècho, semano prouvençalo, espousicioun...

Aquelo espousicioun, 46 annado de pinturo de 1898 e 1944, rènd un oumenage ensouleia à-n-aquesto artisto mau counèigu, sant-chamassen de cor 50 an de tèms. 33 tablèu, d'òli sus telo o sus cartoun, mai luminous lis un que lis autre, vènon, pèr la maje part, de couleicioun particuliero.

Lou felen de l'artisto, Pèire Sylvestre, a participa au mountage de la mostro ounte es l'òucasioun de remira d'obro unico, à l'endré meme ounte soun nascudo.

9 represènton Sant-Chamas e la ribo de la mar de Berro, 7 nus de bagnarello, 2 de Cassis emé si batèu, 2 de Bretagno ounte l'artisto faguè un soulet viage courtet, de paisage e lou retra de dono Malcles la chato de Fèlis Gras.

Dins quàuque tèms, uno salo d'espousicioun permanènto sara reservado à-n-aqueste pintre.

Espousicioun Reinié Seyssaud - Nature et volupté - Chapelle Saint-Pierre - Place Saint-Pierre - 13250 Saint-Chamas - Inaguracioun lou 7 de jun à 6 ouro.

Duberturo dóu dilun au dissate de 9 ouro à 12 ouro e de 2 ouro à 6 ouro - lou dimenche, de 2 ouro à 6 ouro - Entre-signè: Óufice de Tourisme: 04.90.50.90.54. Acuei de group sus reservacioun - L'endré es accessible i persouno à moubilita reducho.

T. D.

Reinié Seyssaud



Pinturo

Aguste Reinié Seyssaud es nascu à Marsiho, lou 16 de jun 1867 dins uno famiho óuriginàri de Vaucluso. Defuntè, lou 24 de setèmbe 1982 à Sant-Chamas.

Pajo 12

Éuropeado

Es lou grand champiounat d'Éurope de foutebalo pèr li minourita linguistico e li nacioun sèns Estat que se debanara au mes de jun dins li Grisoun, la regioun mountagnouso de Souïssou

Pajo 3

Sant-Aloi

D'en pertout en Prouvènço, li carreto ramado di Sant-Aloi coumençon de courre. Moulegés e Gemo La Poulido saran de la fèsto tout de long di mes de jun e de juliet.

Pajo 4

Lengo d'Oc au Patrimòni moundiau de l'umanita

2008 fuguè prouclamado l'annado internacionalo di lengo, pèr l'ONU. À-n-aquelo óucasioun, la Chambrado d'Òc di Valèio Óucitano d'Itàli, mando uno crido pèr que nosto lengo d'Oc rintre dins lou Patrimòni Moundiau de l'Umanita souto l'aflat de l'UNESCO.

Pèr acò faire, ourganiso uno manifestacioun "Occitània a pè", pèr religa li valèio d'Itàli à la Vau d'Aran. 1300 km d'à pèd en 70 jour, dóu 30 d'avoust au 7 de novèmbre! emé de rescontre tout de long. Se voulès faire lou courre (dóu mens uno partido...), avès que de demanda lis entre-signè à la Chambrado d'Òc, - Ch. Arnaud Daniel 18, I 12020 Roccabruna (www.chambradoc.it - chambradoc@chambradoc.it o bèn www.macarel.org).